

Königsberger

A r c h i v

für

Naturwissenschaft

und

M a t h e m a t i k

von

F. W. Bessel, K. G. Hagen,
W. H. G. Remer, A. F. Schweigger
und E. F. Wrede.

G. CUVIER

MUSEUM
D'HISTOIRE
NATURELLE

E r f e r B a n d.

Mit einem Kupfer.

K ö n i g s b e r g,

b e y F r i e d r i c h N i c o l o v i u s.

1 8 1 2.

Prodromus monographiae Cheloniorum
auctore Schweigger.

Pars I.

P r a e m o n e n d a.

Prodromum monographiae testudinum jam mense Majo 1809 instituto gallico propositum tandem typis excubendum trado. Animus tum quidem fuit ex auctoritate illustrissimae huius societatis sub eiusque auspiciis opus edendi: paulo post Regiomontium petens consilium relinquere coactus sum, et aliis negotiis omne studium impendere. Jam autem inchoatam telam pertexere conor, et plagulas hasce emitto, ut lectores de materia tractatu difficillima novas observationes nobiscum communicent, quibus in opere maiori iconibus illustrando gratissimo animo utamur. Quare hic non nisi ea protulimus, quae ad animalium distinctionem necessaria videbantur, specierum tamen novarum aut minus cognitarum accuratiorem adjecimus descriptionem, relinquentes ceterum synonyma quaedam, quae extricandi nondum occasio fuit.

Quum iam Regiomonti morarer, cel. Geoffroy, qui una cum V. V. illustriff. Lacepede et Lamark ex decreto instituti gallici opusculum meum examinandi

*) Spec. sub nro. 33. allata: *Emys Herrmanni* ob similem pedum structuram praecedentibus adjungi potest.

Spec. 13. *Emys discolor*. Thunb. in litt. digitis distinctis unguiculatis —, testa dorso complanato, lateribus declivis, sordide flava, fasciis variis irregularibus fuscis.

Descr. Sternum tredecim arcis, latissimum, antice truncatum, postice bifidum, per symphysin cum testa conjunctum. Scutella disci tredecim, vertebralia subcarinata: marginis viginti quinque, subtus luteo variegata, lateribus prope collum reflexis. Caput —

Patria ignota. Vidi figuram, quam mecum communicavit ill. Thunberg.

Spec. 14. *Emys lutescens* mihi. pedibus palmatis, plantarum digito quinto inermi, testa sordide lutea oblonga, ventricosa, in dorso complanata, sterno fusco duodecim arcis.

Descr. Sternum antice truncatum, sinuatum, postice bifidum, per symphysin cum testa conjunctum. Scutella disci tredecim, subquadrata, marginis viginti quinque, anticum ceteris minus. Caput complanatum, glaberrimum. Palmarum digiti quinque unguiculati. Cauda brevis.

Patria ignota. Vidi specimen unicum in museo Parisiensi.

Spec. 15. *Emys Geoffroana* mihi. pedibus palmatis, plantarum digito quinto inermi, testa demisse convexa nigra, scutellis dorsalibus planis, margine laterali revoluto.

Descr. Sternum tredecim arcis, antice trunca-

tum, postice bifidum, per symphysin cum testa conjunctum. Scutella disci tredecim, marginis viginti quatuor, quorum anticum lineare, longissimum.

Habitat in Brasilia. Vidi specimen in museo Parisiensi, quod ill. Geoffroy Lisbonae in museo regio collegerat.

Spec. 16. *Emys planiceps* Schneid. Schrift d. Berl. Ges. naturf. Fr. IV. B. 3. St. p. 259. c. fig.

pedibus palmatis, plantarum rudimento digiti quinti nullo aut squama, testa oblonga complanata, margine laterali reflexo, scutellis dorsalibus concavis.

Descr. Sternum tredecim arcis, antice truncatum, postice bifidum, cartilagine cum testa conjunctum. Scutella disci tredecim, marginis viginti quinque, quorum anticum angustissimum, ceteris paululum longius. Caput depressum, glabrum, ad latera recondendum. Palmarum digiti quinque unguiculati. Cauda exserta.

Habitat in India orientali (Schneider), Cayennae. (Martin.) — Vidi specimina duo in museo Parisiensi.

Spec. 17. *Emys pulchella* Schoepf. test. p. 113. tab. 26.

pedibus palmatis, plantarum rudimento digiti quinti inermi aut nullo, testa ovali humili, leviter carinata, scutellis pallide fuscis, versus marginem luteo radiatis, areolis circumscriptis.

Descr. Sternum duodecim arcis, antice truncatum, postice obtusum, levissime sinuatum, cartilagine testae adnexum. Scutella disci tredecim, in adultis subgibba, areolis depressis. Bractee marginales viginti